

臺灣外志卷之二十七

克塽信誘斂百姓

藍理負傷攻澎湖

康熙二十二年癸亥

附稱永曆三十七年

正月黃朝用見國軒錫范等猶豫

無意投誠連日辭回劉國軒啟克塽和議大事當遣能員入

朝洪磊舉天興知州林良瑞材堪為使塽加瑞總兵改

珩同黃學黃朝用往福州見啟聖國軒囑珩密探船隻虛實珩

二十五日舟次遼羅令快哨入廈門報施琅欲進見琅却之二

月初一日黃朝用等船泊惠安縣獺窟灣馳報啟聖聖令黃朝

用同林珩等馳驛初八日到福州見啟聖聖與刺哈達金鉉禮待珩會疏馳報外另知會施琅遵剿撫之

旨以撫為善策琅覆以奉

旨七征撫不敢主如果有真誠向化當必遵制削髮啟聖

未能決惟暫留林珩于貢院十三日劉國軒辭克塽仍到澎湖

調度防禦但啟聖欲撫而琅欲剿兩議未合啟聖遂送黃學林

珩二人回臺四月十六日澎湖狂風暴雨濤湧翻天次日波息

浪恬一魚長二丈餘四尺身上鱗甲金色還有火炎奪目從海

登陸兵民見而異之國軒率諸鎮暨澎湖安撫司陳謨等各燒獻冥寶紙錢金鼓送之下水越三日乘夜登山死於百姓林英之尉下天明報國軒軒令瘞之

按成功踞金厦震動濱海有問黃檗寺隱元先師曰成功是何星宿投胎元曰東海長鯨也再問何時得滅元曰東即逝辛丑成功攻臺紅毛望見一人戴冠博帶騎鯨魚從鹿耳門遶漾而入後功諸船果從是港進癸卯年四月間功未病時有副將楊明夢成功冠帶騎鯨魚由鯤身之

東出於外海覺而大異與人述之不數日而功卒正符隱
元歸東即逝之言

按隱元住黃檗寺德行精修曾遣其首座報師過日本國
至港口舟覆而死越歲元往將至港口元夢首座來云
日風浪大作羣魚千萬船衆咸恐慄共請于元元曰毋重
令侍者出紙筆書免朝二字于水仙門焚之頃風息而魚
散元居日本國中人奉如活佛

五月施琅以平海甘泉之湧臺灣可收之兆是天之將亡鄭氏

宜乘機進剿不可違時逐客題疏曰

為海寇形勢將滅不可少寬自解賊危事竊惟臣奉

命專征調集舟師俟機進發總期必滅此賊而後已茲正月十

六日准督臣姚啟聖送到會題疏稿為選將挑船安頓上風

作事內開選其善識水性勇往敢戰挑趕繒船六十隻

上風灣泊出其不意直鼓奮擊俾其驚疑莫定則洋賊無資

糗糧不急一二年間剿撫皆宜等因到臣臣聞之不解其意

督臣凡所會同章疏未嘗移稿議定先已列名入

告然後知會故臣不得不瀝陳緣由照臺灣逆孽情形臣籌度之甚悉自去年出海至十一月杪各官兵船隻方得齊集平海衛灣取給糧餉僅領至十二月止惟官兵渡海應得俸餉必須預備隨帶臣往平海每師時駕出洋操演若風可逆P直取澎湖若風未便則仍獲收回故于十二月二十三日出洋忽轉東南風乃止二十七日開駕至青水壠風輕又轉東南順風再收平海雖未及直抵使官兵屢涉汪洋之中衝風顛浪愈練慣熟賊聞知亦有驚惶不服蓋大鯨之船必藉風

勢順利自可直搗賊境始克成功若風勢未順尤恐零星不
齊何能協力撲剿茲于正月初七日據臣署左營中軍守備
黃復謙報稱初二夜有原偽將劉東忠等在澎湖掣眷八十
二名口駕雙帆船一隻前來廈門投誠等情據此隨于正尸

十二日准同安鎮臣吳英咨送劉東忠等到臣詢問據供

年五月間劉國軒知我師往銅山東南風進發甚是驚懼莫
措後偵知撤回歸汎劉國軒乃放心自回臺灣料理要口將
大小戰艘百號賊衆七千餘名交鎮將林陞陳諒等現在澎

湖扼守賊中人人思危多有匪叛之心口供在案臣于本日
隨將劉秉忠洪貴二名轉送督撫二臣查訊去後今督臣疏
疏稱欲改炮船為洋販聚眾為耕種請挑趕繒船六十隻南
北灣泊一二年間自然困疲剿撫皆宜臣不解督臣如此之
持不定似非善策臣今日水師齊集在海操演以制賊眾譬
若有人焉吮其吭氣將垂絕一為之稍鬆則其氣舒而復起
矧以六十船之南北灣泊北風平海可灣南風則將軍灣林
景典豈可灣泊之處乎臣之操演所以俟機俟風進發又以

屢奉

溫旨進剿海逆關係重大臣所統官兵二萬有奇大小戰船二百餘艘責任甚重大艤舟師渡海宜慎不得稍有出萬全豈敢輕舉妄動又水師在海操演皆由本分行空均各給糧舟兵又無額外添設之費總惟以賊一日未滅則臣一日不且此賊伎倆臣熟籌深算力任剿滅矢志不移寧敢有片語虛飾乎

君父之前而督臣止欲仗赴繒船六十隻可為因疲賊勢誠恐

一二年後復張聲勢其實力尤甚臣素知海運始終虛實初時猶然疥癬皆因彼時當道泛忽姑息不亟攻治養成癰疽潰壞負抗四十餘載荼毒數省致煩

聖德屢動大兵征討糜餉不計今若再一寬縱又猶前轍故轍惟俟風信之便順必無不破之理斷不復遺此誠以厘

宸衷結係密題海運形勢事理貼黃難盡伏乞

皇上全覽乾斷勅部議覆施行為此具本謹密題請 旨

劉國軒安設澎湖各島停當集諸將商議戰守之策林陞江勝

邱輝吳潛等皆願竭力死守第患糧餉不足耳軒遂公同啟克
慎填下六官會議錫范曰有土便有財再勻派百姓車稅毛丁
等類國新聞之即飛啟云

當今百凡皆出民間五穀不登米價騰貴百姓用苦極矣若
再為搜括恐人心搖動則外侮立至須出內帑或捐此廣
萬全之計啟上

克塽示錫范范曰兵原以衛民民自應養兵今內帑空虛百僚
蕭條不取之民將何所出鄭聰亦以范之言為是克塽不能主

決拱手唯唯而已上淡水通事李滄猷策取金福國安撫司材

雲為之轉啟克塽令錫范問滄取金情由滄曰從上淡水坐舫

甲番邦小船名也向東而行行至方浪石灣轉北而南遡溪直進此水路

也可取金沙陸路當從卑南覓社而入內有強梁土番攔阻負

整師列隊護而前行方可范允其議啟塽塽令監紀陳福宣設

前鎮葉明統所部護衛取金明等至卑南覓社見土番刺身纏

肚硬弓操鎗扼險以守不得前進即驅其土魁統別路到力鋸

社連殺數人亦不肯指其出金之處無奈引還鄭聰與智明等

命征討臺灣于康熙二十年十月初六日抵任以來一面整頓
船兵相機搗巢并遣心腹三四人漸次密往臺灣澎湖賊中
通達臣之舊部在彼現為鎮營管兵令其就中謀叛取事自
去年亦有通信數次俟大兵臨境之時方敢內亂創戈迎降
者衆至今年正月初二日有偽副將劉秉忠等坐雙桅帆船
一隻帶眷口八十三名在澎湖前來投誠正月二十二日偽
總理李瑞等奪民船一隻帶兵二十一名亦自澎湖前來投
誠三月十一日有偽兵許福等十四名駕小船一隻自臺灣

猴樹港前來投誠帶有臣前所差之人要緊密潛通內有叛
亂相應消息并稱彼處朱貴每担價銀五六兩七社土番俱
反形勢甚感人人思危此乃天心厭亂明矣臣前差之人尚
在臺灣謀結黨類以待內應其許福等臣只移督撫前來投
誠之辭不敢言真恐洩事機將人現收軍中養活又三月十
六日有偽民許六吳阿三等奪漁船一隻在澎湖帶眷一十
九名口前來投誠四月初三日有海賊鄭才等一十八名于
四月初一日從淡水港奪破柴民船一隻前來投誠是此賊

中今日之形勢滅在旦夕雖割國軒復差偽官黃學林珩再
來言撫致書一封求見于臣臣卻之不見令其自赴督臣轅
門主議以么麼海賊非可視為敵國我以彼為喻誠彼直以
我為和議徒裒

國體藉此妄稱祇安賊心臣惟遵奉

命檄巢滅逆為念議撫之事臣不敢預及今臣在水陸官兵中
起選二萬有奇操練有日可稱精熟足以破賊攻澎湖宜水
兵破臺灣則當用陸兵也但糧最宜預備給足以鼓士氣乘

夏至南風成信當即進發指勘蓋北風剛硬驟發驟息靡常
不準難以逆料南風柔和波浪頗恬故用南風破賊甚為穩
當臣大膽舟師航海責任綦重自當相機度勢期出萬全以
仰慰

皇上宵旰之懷臣每自思維膺軍旅之任者必虛張賊之勢
乃表見己之大功愚心慙直荷

皇上面諭諄諄從不敢一字粧飾自干欺誑緣係密陳海逆可
破之機其中所有來稟關係機密只畧陳其概貼黃難盡伏

乙

皇上睿鑒全覽留中勿發恐剿撫之議不相入或有漏洩以害成也為此具本謹密題達

六月施琅將大隊舟師齊集銅山並請姚啟聖至共商給發糧餉及犒賞銀兩十一日琅大會各鎮協營守備千把隨征諸官將先鋒銀錠排列傳令征剿澎湖誰敢為先鋒者領取以便首先冲鯨破敵通示諸將未有出應獨提標署右營遊擊藍理挺身出領先鋒銀錠琅允許十三日祭江十四日辰時琅統諸船